



千年儒脉 木铎声声

祭孔大典祭文汇总



戊戌(2018)年祭孔大典祭文

王志民

维公元2018年9月28日,岁次戊戌,时序仲秋,至圣先师孔子诞辰2569周年之际,中华同胞,四海宾朋,同以诚敬之心,肃立大成殿前,谨奉鲜花乐舞,恭祭夫子及诸圣先哲。

其辞曰:

天地玄黄,宇宙洪荒,巍峨神州,屹立东方。海岱齐鲁,文明发祥;汶泗洙沂,源远流长。春秋之季,乐坏礼崩;王道废弛,诸侯纷争。天生仲尼,长夜启明;礼乐周鲁,玉汝于成。创始儒学,体大思精;远承尧舜,迺嗣周公。仁礼忠信,孝悌中庸;崇德亲民,修齐治平。华夏一体,大道之行;讲信修睦,天下为公。杏坛设教,玉振金声;弟子三千,灿若辰星。垂宪后世,删述六经;文传八代,道承一统。战国群雄,诸子争鸣;弘道绪统,孟子荀卿。秦汉六朝,薪火传承;独尊儒术,三教汇通。隋唐五代,西域东瀛;文播丝路,列国并迎。宋明理学,大师辈涌;周程张邵,朱陆阳明。道咸以降,中西交融;革故鼎新,与时偕行。千年儒脉,木铎声声;斯文在兹,乾清坤宁。伟哉夫子,如日之明;同天并老,与世永恒。改革开放,国运昌隆;不感回首,气浩志宏。机遇挑战,成竹在胸;龟勉同心,众志成城。百年目标,时代新命;求富图强,民族复兴。寰宇一家,休戚与共;和而不同,合作共赢。不负先哲,重任担承;不忘初心,戮力必成。夫子之道,气贯长虹;福佑中华,万世太平。伏惟尚飨!

甲午(2014)年祭孔大典祭文

张立文

惟夏历甲午之岁,恭逢先师孔子诞辰2565年,谨以香花酒果,佾舞雅乐,敬奠于夫子暨诸圣哲之灵。其辞曰:

天地何来?人类何生?和实生物,同则不继。阴阳细缊,五行相杂。万物化醇,实惟纲纪。汤武革命,应天顺人。惟德是辅,敬德保民。水能载覆,民贵君轻。无信不立,去食去兵。巍巍孔子,圣道昭明,复兴礼乐,挽澜扶倾。已达达人,博施于民。惟圣之德,万世永馨。天道刚健,地道柔顺。人道仁义,天下文明。天文察变,人文化成。诚意正心,修齐治平。知行合一,推己及人。仁爱民本,诚信正义。洪惟中华,绍宏文化。道德精髓,至善知止。势利纷华,不染尤洁。君子九德,进退守正。礼义为纪,各正性命。经国序民,坤宁乾清。多重世界,差分融突。和而不同,协和万邦。和平发展,合作共赢。命运共同体,寰宇辉煌。天人和美,身心和乐。家和则兴,国和则强。革故鼎新,自强不息。和合世界,幸福永享。伏惟尚飨!

丁酉(2017)年祭孔大典祭文

潘鲁生

维公元2017年9月28日,岁在丁酉,时在金秋。值此夫子诞辰之日,各界人士以虔诚之心、崇仰之情,谨以释奠大典,祇告于先师之圣灵。

其文曰:

煌煌中华,郁郁文明,尧舜禹汤,文武周公。圣哉夫子,如岳之耸,弘道明德,地纬天经。祖述宪章,删述六经,杏坛设教,儒学肇兴。仁义礼智,絮矩中正,推己及人,一以贯通。西狩获麟,纲纪失统,怨祸祸连,饥馑频仍。千秋荣辱,百代废兴,斗转参横,沐雨栉风。崇文兴学,开辟鸿蒙,人知所止,福善盈盈。立我蒸民,以理以风,惟此圣道,曷可弗宗?嗟我夫子,既圣且明,述而识文,作而知情。垂仪立极,山海麟凤,生民未有,卓乎独盛。弟子拱辰,后学述宗,章句汉唐,义理宋明。和合阴阳,物阜民丰,万世师表,天地同功。荡荡德风,熠熠儒行,仁爱诚信,民族魂灵。讲信修睦,家国以宁,近悦远来,四方和同。规矩方圆,人和政通,修齐治平,神州复兴。敬祷夫子,克鉴斯诚!佑我中华,以昌以隆!伏惟尚飨!

癸巳(2013)年祭孔大典祭文

彭林

惟夏历癸巳之年,辛酉之月,日在丁酉,恭逢大成至圣先师孔子诞辰2564年,山东省人民政府敬以释奠大典、鲜花雅乐之奉,祇告圣灵曰:

伟哉夫子,如岳之耸,德尊道隆,海内归宗。多士肃肃,庙堂雍雍。典祀有常,是仰是崇。簠簋备列,粢盛隆丰。笾豆黝濂,三牲肥充。笙簧和鸣,佾舞称容。神其来格,享此献奉。生民之初,心智懵懵。彝伦不明,长夜无穷。尧舜禹汤,文武周公,庠序养贤,开辟鸿蒙。春秋季世,纪纲失统。忧道不行,木铎警众。杏坛设教,儒学大弘。俾彼云汉,为章卷穹。为政以德,北辰是拱。仁孝为本,父子融融。忠信相交,上下股肱。日升月恒,泮水辟雍。明德新民,君子之风。性情和达,乃为中庸。诗礼传家,开我华风。立我蒸民,莫非尔功。立已达人,四海弟兄。修齐治平,天下为公。文德既修,远方来朋。寅协万邦,和而不同。弥高弥坚,圣自天纵。照临千秋,为禱为颂。神州复兴,百年之梦。法古开新,国祚久永。伏惟尚飨!

丙申(2016)年祭孔大典祭文

颜炳罡

维公元二〇一六年九月二十八,岁在丙申,序在仲秋,值天高气爽,花果飘香时节,山东各界人士,世界各地炎黄子孙,五洲宾朋等齐聚曲阜孔庙大成殿前,以至诚之心,崇敬之情,谨备蔬果,献以佾舞,敬禱于夫子及诸贤哲大儒神位。辞曰:

天地氤氲,變理阴阳,袞袞华胄,诞育东方。肇路蓝缕,野居草莽。三皇五帝,始创典章。吊民伐罪,商汤武王。降至春秋,渐失王纲。礼坏乐崩,五霸逞强。大哉夫子,应时而降。宪章文武,道承三皇。杏坛设教,门开八方。三千弟子,大道阐扬。退修诗书,六艺始彰,韦编三绝,行囊居床。人文化成,道始以昌。以仁释礼,仁礼双彰。为仁由己,无欲则刚。孝悌忠恕,践仁之方。四勿四毋,克己自强。内省不疚,无愧俯仰。中庸为德,君子坦荡。贫而好学,富而礼让。不怨不尤,知命守常。仁为己任,弘毅担当。杀身成仁,以义为上。天何言哉?四时行焉,百物生长。道易天下,何计栖遑?天纵之圣,木铎声!为政以德,举贤让良,正己正人,万民所望,富而后教,礼乐兴邦。宽猛相济,治国有常。博施济众,百姓安康。和而不同,德化万邦。四海一家,大同在望。大哉夫子,万世师表,四海咸仰。圣哉夫子,辉光日新,千秋传唱。神哉夫子,明德赫赫,大道荡荡。敬禱夫子,再现灵光;佑我华夏,保我家邦。中国梦圆,华族永昌。以复圣颜子宗圣曾子述圣子思子亚圣孟子及诸大贤哲先儒伏惟尚飨!

壬辰(2012)年祭孔大典祭文

董金裕

维公元2012年9月28日,欣逢孔圣2563年诞辰纪念,我中华各族群同胞,以及国际嘉宾良朋,缅怀盛德伟业,以虔诚之心、景仰之情,谨备鲜花美果,佾舞雅乐,敬献于孔庙大成殿暨两虎,告祭大成至圣先师与夫诸圣哲贤儒。其辞曰:

天地设位,人在其中。天行刚健,地道宽弘。品物流形,化育功隆。人禀五常,灵秀所鍾。法天之德,效地之用。赞之参之,与之同功。唯我夫子,博通世务。上应天时,下顺风土。远宗尧舜,近法文武。删述六经,以教生徒。循序而进,孜孜矻矻。成德达材,栽培无数。仁道思想,众德汇涌。明德亲民,止于至善。推己及人,是为其方。礼以行之,益加发扬。华夏文明,赖以发皇。驯致大同,协和万邦。与时俱进,弥足珍贵。集圣大成,出类拔萃。其所成就,卓越崔巍。典型既在,吾谁与归。万民景从,仰承教诲。千秋万世,永蒙遗徽。恭逢圣诞,我心欢畅。秉持诚意,其喜洋洋。载歌载舞,俎豆馨香。奉承而进,伏惟尚飨。护佑生灵,教化其昌。乐道好礼,同沐祯祥。

乙未(2015)年祭孔大典祭文

钱逊

惟此乙未仲秋,公历2015年9月28日,乃至至圣先师孔子二千五百六十六年诞辰,吾等华夏胞民,谨具鲜卉果蔬,佾舞雅乐,肃祭圣师,恭献此文。

圣师孔子,生于无道之世,力倡雅颂之声,承尧舜禹汤文武之余绪,集礼乐射御书数之大成,设帐授徒,创立儒宗,开百代之圣教,化万民于春风。

圣师之教,垂范至今。以人为本,不语乱神;以德为政,立己立人。兴学杏坛,有教无类;文行忠信,约礼博文。三千弟子,传道四海;泽被天下,十步芳邻。乐群贵和,行己有耻;修齐治平,遍惠人伦。洵为万世之师表,五洲之圣哲,凝华夏之魂魄,涌文明之朝曦。

近世以降,西风东凌。圣师之言犹在,而或成腐儒之虚饰,或遭伪士之凶讦,然礼失诸庙堂,犹可求诸四野,况志士仁人迭起,力挽神州陆沉。圣贤之道,潜而复苏,忠恕之义,普世皆钦。今日华夏,病夫之名已去,而全盛之日未临,诚宜秉传圣训,固本培根,崇德以筑中国梦,旧命而维天下新。乐宾朋来自四海,绘丹青馈于子孙。幸我九州通力,朝野一心,华夏之洪舟,正扬帆破浪而进。谨以此告,先师圣灵。伏惟尚飨,日升月恒!